

Тошкент шаҳри

“11” июль 2022 йил

Устав асосида иш кўрувчи, кейинчалик “Буюртмачи” деб юритилувчи, “Ракамлаштириш ва сертификатлаш Маркази” давлат унитар корхонаси директори номидан директор в.в.б. Ш.Кўчимов, бир тарафдан, ва Устав асосида иш кўрувчи, кейинчалик “Ижрочи” деб юритилувчи, “WEBASE” МЧЖ номидан директор О.Абдукодиров, иккинчи тарафдан, мазкур шартномани куйидагилар тўғрисида туздилар:

## 1. ШАРТНОМА ПРЕДМЕТИ

1.1. Буюртмачи Ўзбекистон Республикаси Президентининг 22.08.2022 йилдаги ПК-357-сон қарори ижроси доирасида энг яхши таклиф бўйича ўтказилган танлов натижасига мувофиқ “ERP-SPORT”-ягона электрон бошқарув тизимини ишлаб чиқиш ва техник қўллаб-қувватлаш бўйича буюртма беради ва ушбу шартнома бўйича кўрсатилган хизматларни қабул қилиш ва қийматини тўлаш мажбуриятини ўз зиммасига олади, “Ижрочи” эса, ушбу шартноманинг ажралмас қисми бўлган 1-иловасида кўрсатилган хизматлар рўйхатиغا мувофиқ ахборот тизимини ишлаб чиқиш ва техник қўллаб қувватлаш мажбуриятини олади.

1.2. Хизмат кўрсатиш жойи: Ўзбекистон Республикаси, Тошкент шаҳри.

1.3. Иловалар ушбу шартноманинг ажралмас қисми ҳисобланади.

## 2. ТАРАФЛАРНИНГ ҲУҚУҚ ВА МАЖБУРИЯТЛАРИ

2.1. Ижрочи қуйидаги мажбуриятларни ўз зиммасига олади:

2.1.1. ушбу шартноманинг 3.3-бандида назарда тутилган олдиндан тўловни ҳисобга олгандан кейин хизматларни кўрсатишни бошлаш;

2.1.2. ушбу шартнома шартларига ва иловада кўрсатилган хизматлар рўйхатиغا мувофиқ “Буюртмачи”га хизматларни сифатли ва ўз вақтида тақдим этиш;

2.1.3. кўрсатилган хизматларда “Буюртмачи” томонидан камчиликлар аниқланган тақдирда, “Ижрочи” уларни тарафлар томонидан белгиланган муддатларда бартараф этиш;

2.1.4. “Буюртмачи”нинг “Ижрочи”га электрон почта, факс орқали ёки бошқа йўл билан юборилган ёзма сўровига кўра, 3 (уч) иш куни ичида ушбу шартнома шартларига мувофиқ кўрсатилган хизматлар тўғрисида тегишли маълумотлар тақдим этиш;

2.1.5. ушбу шартномани бажариш доирасида “Буюртмачи” олдидаги мажбуриятларни бажариш доирасида сезиларли даражада таъсир қилиши мумкин бўлган фактлар тўғрисида “Буюртмачи”ни ўз вақтида хабардор қилиш.

2.2. Ижрочининг ҳуқуқлари:

2.2.1. “Буюртмачи”дан ушбу шартнома бўйича хизматлар кўрсатиш учун зарур бўлган маълумотларни сўраш;

2.2.2. “Буюртмачи”дан ушбу шартномада белгиланган тартибда ва муддатларда мажбуриятларнинг бажарилишини талаб қилиш;

2.2.3. ушбу шартнома бўйича ўз мажбуриятларини бажариш учун учинчи шахсларни жалб қилиш, шу билан бирга уларнинг ҳаракатлари учун “Буюртмачи” олдида жавобгарликни сақлаш.

2.3. “Буюртмачи” ўз зиммасига қуйидаги мажбуриятларни олади:

2.3.1. “Ижрочи” билан олдиндан келишиб олинган хизмат талаблари ва шартларини ёзма равишда батафсил баён қилиш ва ушбу шартномани имзолаш вақтида уни “Ижрочи”га тақдим этиш;

2.3.2. буюртма қилинган хизматларнинг барча ўзгаришлари, қўшимчалари ва бекор қилиниши тўғрисида “Ижрочи”га ўз вақтида ёзма равишда хабар бериш;

2.3.3. агарда “Буюртмачи” “Ижрочи” томонидан амалга оширишни бошлаган хизматларини рад этишга қарор қилса, “Буюртмачи” ушбу шартноманинг 9.2-бандида кўрсатилганидек, шартноманинг ўзгартирилган предметини ҳисобга олган ҳолда “Ижрочи” билан қўшимча келишув тузиш ва “Ижрочи”га бирламчи ҳужжатлар билан тасдиқланган ҳақиқатда қилган харажатларини қоплаш;

2.3.4. “Ижрочи”нинг “Буюртмачи”га электрон почта, факс орқали ёки бошқа йўл билан юборилган ёзма сўровига кўра, 3 (уч) иш куни ичида ушбу шартнома шартларига мувофиқ кўрсатиладиган хизматлар тўғрисида тегишли маълумотлар тақдим этиш;

2.3.5. ўз буюртманомаси бўйича кўрсатилган хизматларни ушбу шартномага мувофиқ қабул қилиш;

2.3.6. “Ижрочи” томонидан кўрсатилган хизматлар учун ушбу шартномада белгиланган шартларга мувофиқ ҳақ тўлаш.

2.4. Буюртмачининг ҳуқуқлари:

2.4.1. “Ижрочи”дан ушбу шартноманинг ажралмас қисми бўлган 1-иловасида кўрсатилган хизматлар рўйхатига мувофиқ тегишли сифатга эга бўлган хизматлар кўрсатилишини талаб қилиш;

2.4.2. “Ижрочи”нинг ишлаб чиқариш ва хўжалик фаолиятига аралашмасдан “Ижрочи” томонидан тақдим этилаётган хизматларнинг бориши ва сифатини текшириш;

2.4.3. “Ижрочи” ушбу шартнома бўйича ўз мажбуриятларини бажармаган ёки лозим даражада бажармаган тақдирда ҳақ тўлашдан бош тортиш.

2.5. Тарафлар ўртасида кўрсатилган хизматларнинг камчиликлари бўйича низо юзага келган тақдирда, Тарафлар камчиликларни баҳолаш, уларнинг моҳиятини, тузатиш харажатларини аниқлаш ва низога ҳал қилиш учун мустақил мутахассисни жалб қилишлари шарт. Бундай баҳолашни ўтказувчи мутахассис Тарафларнинг келишувига асосан белгиланади. Мутахассис хизматлари учун тўлов “Ижрочи”га юкланади.

### **3. ШАРТНОМАНИНГ БАҲОСИ ВА ҲИСОБ-КИТОБ ҚИЛИШ ТАРТИБИ**

3.1. Ушбу шартноманинг 2-иловасида кўрсатилган хизматлар рўйхатига мувофиқ хизматларнинг умумий қиймати энг яхши таклиф танлов натижасига кўра голиб бўлган “Ижрочи” ҚҚС тўловчи бўлмас ёки Ўзбекистон Республикаси Президентининг 30.06.2017 йилдаги ПФ-5099-сон Фармони 5 бандига мувофиқ ҚҚС озод этилган бўлса “Буюртмачи” ҚҚСсиз 6 417 391 304 сўм 35 тийин (олти миллиард тўрт юз ўн етти миллион уч юз тўқсон бир минг уч юз тўрт) сўм 35 тийин ҳисоб рақамига пул ўтказиш йўли билан банк ўтказмаси орқали амалга оширилади.

3.2. Ушбу шартноманинг 2-иловасида кўрсатилган хизматлар рўйхатига мувофиқ хизматларнинг умумий қиймати энг яхши таклиф танлов натижасига кўра ҚҚС билан 7 380 000 000,00 (етти миллиард уч юз саксон миллион) сўмни шу жумладан ҚҚС 962 608 695,65 (тўққиз юз олтинчи икки миллион олти юз саксон минг олти юз тўқсон беш) сўм 65 тийинни ташкил этади. Тўлов “Ижрочи”нинг ҳисоб рақамига пул ўтказиш йўли билан банк ўтказмаси орқали амалга оширилади.

3.3. “Буюртмачи” Тарафлар ушбу шартномани имзолаган пайтдан эътиборан 10 (ўн) банк иш куни ичида шартноманинг умумий қийматининг 15 фоизи миқдорида хизматлар учун олдиндан тўлаш мажбуриятини олади.

3.4. Шартноманинг 2-иловасида келтирилган хизматлар топширилганда ҳар бир ҳисоб-китоб Тарафлар кўрсатилган хизматлар тўғрисидаги далолатномани имзолаган ва “Ижрочи” томонидан берилган электрон ҳисоб-фактурани рўйхатдан ўтказган пайтдан бошлаб 10 (ўн) банк иш куни ичида амалга оширилади.

3.5. “Буюртмачи”нинг топширигига кўра хизматлар таркибининг белгиланган тартиби ёки ушбу шартноманинг бошқа шартлари хизматлар ҳажмининг кўпайиши ёки камайишига олиб келадиган ўзгаришлар бўлса, хизматларнинг нархи ва шартларини ўзгаришсиз қолдирилади.

### **4. ХИЗМАТЛАРНИ ТОПШИРИШ-ҚАБУЛ ҚИЛИШ ТАРТИБИ**

4.1. Ушбу шартноманинг 1-иловасида кўрсатилган хизматлар рўйхатига мувофиқ “Ижрочи” “Буюртмачи”ни хизматларнинг оралиқ босқичини бажарганлиги тўғрисида “Буюртмачи”нинг электрон манзили(почтаси)га тегишли ҳужжатларни жўнатиш орқали хабардор қилади.

4.2. Хизматларни кўрсатишнинг барча оралиқ босқичларини тугатгандан сўнг, “Ижрочи” “Буюртмачи”га ўтказиладиган мутлоқ ҳуқуқлар ва кўрсатилган хизматлар тўғрисидаги далолатноманиларини 2 (икки) нусхада шахсий узатиш орқали тақдим этади. Агар “Буюртмачи” кўрсатилган хизматлар тўғрисидаги далолатномани олган кунидан эътиборан 10 (ўн) иш куни давомида имзоламаса ва/ёки ушбу муддатда уни имзоландан рад этишдан асосли сабаблар “Ижрочи”га тақдим этмаса, “Ижрочи” томонидан кўрсатилган хизматлар автоматик равишда тўғри кўрсатилган деб ҳисобланади, шунингдек, ушбу шартнома бўйича кўрсатилган хизматлар тўғрисидаги далолатнома “Буюртмачи” томонидан имзоланган деб ҳисобланади.

4.3. “Буюртмачи” томонидан тизим қабул қилиб олинган “Ижрочи” томонидан тизимлар ишга тушурилгандан сўнг тизимни тўлиқ тўғри, сифатли белгиланган лойиҳа техник ҳужжатлар (лойиҳа паспорти, лойиҳа концепцияси ва техник топшириқ) таълаблар асосида ишлаши учун 1 йил муддатгача кафолат беради.

4.4. Кўрсатилган хизматлар ушбу шартномада ва иловаларда кўрсатилган хизматлар рўйхатига мувофиқ белгиланган талабларга мос келмаган тақдирда, Тарафлар тегишли камчиликларни бартараф этиш тўғрисида икки томонлама далолатнома туздилар. “Ижрочи” Тарафлар томонидан келишилган муддатда аниқланган камчиликларни бартараф этиш мажбуриятини олади.

### **5. ТАРАФЛАРНИНГ ЖАВОБГАРЛИГИ**

5.1. Ушбу шартнома бўйича ўз мажбуриятларини бажармаганликлари ёки лозим даражада бажармаганликлари учун Тарафлар Ўзбекистон Республикасининг амалдаги қонунийлигига мувофиқ жавобгар бўладилар.

5.2. Хизматлар кўрсатиш кечиктирилган ёки тўлиқ кўрсатилмаган тақдирда “Буюртмачи” “Ижрочи”дан кечиктирилган ҳар бир кун учун мажбурият бажарилмаган қисмининг 0,5 фоизи миқдорда пеня тўлашини талаб қилишга ҳақли, бироқ бунда пенянинг умумий суммаси кўрсатилмаган хизматлар қийматининг 50 фоизидан ортиқ бўлмаслиги керак.

5.3. Кўрсатилган хизматлар учун ўз вақтида ҳақ тўланмаганда “Ижрочи” “Буюртмачи”дан муддати кечиктирилган ҳар бир кун учун кечиктирилган тўлов суммасининг 0,5 фоизи миқдорда пеня тўлашини талаб қилиши мумкин, бироқ бу кечиктирилган тўлов суммасининг 50 фоизидан ортиқ бўлмаслиги керак.

5.4. Пеня тўланиши ушбу шартнома мажбуриятларини бузган Тарафни шартномани зарур тарзда бажаришдан ва хизматлар кўрсатиш муддати кечиктирилиши ёки тўлиқ кўрсатилмаслиги туфайли етказилган зарарлар қопланишидан озод этмайди.

5.5. Мазкур шартномада назарда тутилмаган Тарафларнинг жавобгарлиги фуқаролик қонунчилиги нормаларига мувофиқ қўлланилади.

## **6. ФОРС-МАЖОР ҲОЛАТЛАРИ**

6.1. Тарафлар ушбу шартнома бўйича мажбуриятларни қисман ёки тўлиқ бажармаганлик учун жавобгарликдан озод қилинади, агар Тарафлар ўз мажбуриятларини лозим даражада бажармаганлиги форс-мажор ҳолатлари сабаб бўлса, булар, Тарафларнинг иродаси ва хоҳишига зид равишда юзага келган ва Тарафлар олдиндан кўра олмайдиган ва олдини олиш мумкин бўлмаган фавқулодда ва муқаррар ҳолатлар, хусусан, сув тошқинлари, ёнгинлар, zilзилалар, саботажлар, ҳарбий ҳаракатлар, блокадалар, қонунчиликдаги ўзгаришлар, ушбу Шартнома бўйича мажбуриятларнинг тўғри бажарилишига тўсқинлик қиладиган, шунингдек, бошқа фавқулодда вазиятлар.

6.2. Бундай ҳолатларга, хусусан, учинчи шахслар томонидан мажбуриятларнинг бузилиши, бозорда ушбу Шартномани бажариш учун зарур бўлган товарлар ва хизматларнинг этишмаслиги қирмайди.

6.3. Ўзбекистон Республикаси ваколатли органининг тегишли ёзма тасдиғи форс-мажор ҳолатлари мавжудлигини ва уларнинг давомийлигини тасдиқловчи ҳужжат ҳисобланади.

## **7. МАХФИЙЛИК**

7.1. “Ижрочи” “Буюртмачи” билан ушбу Шартномани тузиш натижасида унга маълум бўлган махфий маълумотларни сақлаш мажбуриятини олади.

7.2. Тарафлар ушбу Шартнома бўйича мажбуриятларни бажариш натижасида уларга маълум бўлган махфий маълумотларни ва бошқа маълумотларни сир сақлаш учун барча зарур чораларни кўриш мажбуриятини оладилар.

7.3. Махфийлик мажбурияти чексиздир.

7.4. Агар Тарафлардан бири махфий маълумотларни иккинчи Тарафнинг рухсатисиз ошқор қилса, у иккинчи Тарафга етказилган зарарни, шу жумладан ҳар қандай ҳақиқий зарар ёки фойда йўқотилишини қоплайди.

## **8. НИЗОЛАРНИ ҲАЛ ЭТИШ ТАРТИБИ**

8.1. Мазкур шартномани бажарилишида юзага келадиган низолар ва келишмовчиликлар Тарафлар ўртасида ўзаро музокаралар йўли билан ҳал қилинади.

8.2. Тарафлар, ўзаро ҳал қилинмаган низолар, қонунда белгиланган низоли судгача ҳал қилиш (талабнома юбориш) тартибига риоя қилганидан сўнг, Тошкент туманлараро иктисодий суди томонидан ҳал қилиш учун қонунчиликда белгиланган тартибда мурожаат қилишга ҳақли.

## **9. ШАРТНОМАНИНГ АМАЛ ҚИЛИШ МУДДАТИ, ЎЗГАРТИРИЛИШИ ВА БЕКОР ҚИЛИНИШИ ТАРТИБИ**

9.1. Ушбу шартнома Тарафлар имзолаган пайтдан бошлаб кучга киради ва амал қилиш муддати 2022 йил 31 декабрь.

9.2. Ушбу шартноманиннг муҳим шартларини (мажбуриятларни бажариш шартлари ва бошқалар) ўзгартириш Тарафлар келишувига кўра мумкин.

9.3. Ушбу шартномага киритилган барча ўзгартиришлар ва қўшимчалар, агар улар ёзма равишда тузилган ва Тарафларнинг ваколатли вакиллари томонидан имзоланган бўлса, ҳақиқий ҳисобланади. Ўзгартириш ва қўшимчалар иккала Тараф томонидан имзолангандан кейин ушбу шартноманиннг ажралмас қисми ҳисобланади.

9.4. Ушбу шартнома қуйидаги ҳолларда бекор қилиниши мумкин:

9.4.1. Тарафлар келишувига кўра;

9.4.2. “Буюртмачи”нинг ушбу шартномани бажаришдан бир томонлама рад этиши муносабати билан қуйидаги ҳолларда:



1) “Ижрочи” томонидан 20 (йигирма) кунидан ортиқ муддатда ушбу шартноманинг 1-иловасида кўрсатилган мажбуриятларни бузиш;

2) кўрсатилган хизматларда аниқланган камчиликларни 20 (йигирма) кун муддата бартараф этилмаса;

3) “Ижрочи” сабабсиз ушбу шартнома бўйича хизматларни кўрсатишдан бош тортиши ёки бўйин товлаши.

9.4.3. Суд қарорига кўра.

## 10. КОРРУПЦИЯГА ҚАРШИ ШАРТЛАР

10.1. Тарафлар, мазкур шартнома кучга кирган пайдан бошлаб ўзлари вакиллари, ходимлари, уларнинг назорати остида ёки таъсир кўрсатадиган бошқа шахслар томонидан келажакда, ушбу шартномани тузиш ҳамда бажариш билан боғлиқ ҳар қандай турдаги ноқонуний пул ва бошқа имтиёزلарни таклиф ва талаб қилмасликларини (шу жумладан қабул қилмасликларини) кафолатлайдилар.

10.2. Тарафлар, ушбу шартноманинг амал қилиш муддати давомида куйида келтирилган қондаларга риоя қилишлари ва ўз вакиллари, ходимлари ва уларнинг назорати остидаги ёки таъсир кўрсатадиган бошқа учинчи шахслар томонидан мазкур қондаларга амал қилиниши борасида оқилона чоралар кўриш мажбуриятини оладилар.

10.3. Тарафлар, ушбу шартноманинг амал қилиш муддати давомида куйидаги ҳаракатларни ўзлари, шу жумладан учинчи шахслар орқали ҳеч қандай шаклда амалга оширмасликни ўз зиммаларига оладилар:

- порахўрлик-тижорат ёки бошқа турдаги ноқонуний устунликни олиш ёки сақлаб қолиш мақсадида Тарафларнинг вакиллари ёки бошқа шахслар томонидан қонунга хилоф равишда мулкӣ фойда олиш, бериш, ўтказиш, рухсат бериш;

- пора талаб қилиш ёки пора беришга ундаш-рад этилган тақдирда таҳдид билан боғлиқ ва боғлиқ бўлмаган пора талаби;

- ваколатларни сунистеъмол қилиш-тижорат ёки бошқа ташкилотда бошқарув функцияларини бажарувчи шахс ўз ваколатларини ушбу ташкилотнинг қонуний манфаатларига зид равишда ўзи ёки бошқалар фойда олиши ёки зарар етказиш мақсадида ишлатилиши;

- коррупция амалиётидан тушган даромадларни легаллаштириш, жиноий келиб чиқиши, манбаси, жойлашган жойи, тасарруф этиш усули, кўчириш ёки мулкка эгаллик қилишини яшириш агар бундай мулк жиноятлардан олинган даромад эканлиги маълум бўлса.

Ушбу Шартнома тарафлари амалдаги коррупцияга қарши қонун ҳужжатларини бузадиган бошқа ҳаракатларни содир этган тақдирда, тегишли тараф зудлик билан бошқа тарафни Ўзбекистон Республикаси Коррупцияга қарши қонун ҳужжатларида белгиланган қўшимча таъқиқлар тўғрисида ёзма равишда хабардор қилиши шарт.

## 11. ЯКУНИЙ ҚОНДАЛАР

11.1. Ушбу Шартномада назарда тутилмаган барча ҳолатларда Тарафлар Ўзбекистон Республикасининг амалдаги қонунчилигига амал қиладилар.

11.2. Тарафларнинг реқвизитлари ўзгарган тақдирда, 10 (ўн) календар куни ичида бир-бирларини хабардор қилишлари шарт.

11.3. Ушбу шартнома ўзбек тилида бир хил юридик кучга эга 2 (икки) нусхада тузилган.

## 12. ТАРАФЛАРНИНГ МАНЗИЛИ ВА БАНК РЕКВИЗИТЛАРИ БУЮРТМАЧИ: ИЖРОЧИ:

“Рақамлаштириш ва сертификатлаш  
Маркази” давлат унитар қорхонаси

Манзил: Тошкент шаҳар Юнусобод тумани  
А.Қодирий кўчаси – 2 уй.

СТИР: 309 478 538

ОКЭД: 62 010

Банк реқвизитлари: АТИБ “Ипотека Банк”  
Меҳнат филиали

Х.р. 20 210 000 105 525 428 001

МФО: 00 423

Телефон: +998 95 340-50-40

E-mail: [dacc@minsport.uz](mailto:dacc@minsport.uz)

Директор в.в.б.

Ш.Кўчимов

«WEBASE» масъулияти чекланган жамият

Манзил: Тошкент шаҳар, Шайхонтоҳур тумани  
Қоратош кўчаси 106 уй, 1 хонадон.

СТИР: 306 870 797

ОКЭД: 62 010

Банк реқвизитлари: Тошкент ш., АТ Халқ банки  
Сирғали ф.

Х.р. 20208000505144091001

МФО: 00836

Тел.: +998 99 442 306 644

Э. почта: [webase@uznetmail.com](mailto:webase@uznetmail.com)

Директор

О.Абдуқодиров